

De la que tábemos faciendo un quesu...



Por Ismael Marcet, Manuel Rendueles
y Mario Díaz (Caderalgu y Profesor Emérito)
Departamentu d'Inxeniería Química
Universidá d'Uviéu

*¡Salud, queso picón, el más rico del mundo;
orgullo de Cabrales y del país astur;
por el sabor, divino, por el olor, jocundo;
alabado en el Norte y ensalzado en el Sur!*

Celso Amieva

*A country producing almost 360 different
types of cheese cannot die*
Winston Churchill, sobre Francia

El binomiu mar-monte, condicionó ya iguó la forma de vida de los asturianos, la so cocina tradicional y los productos autóctonos. Nun paisaxe perafayadizu pa la cría de vaques, cabres y oveyes, la ganadería extensivo ye ún de los pegollos principales pa la sofitancia de la identidá asturiana, nun siendo chocante que les comunidaes tradicionales punxeren el bienestar animal per delantre de too y de toos, porque'l ganáu sustentaba una parte importante de les necesidaes de ropa y alimentu.

En particular, la composición en cuantes a macro y micronutrientes d'un de los principales productos alimenticios que da'l ganáu rumiantre, el lleche, ye colosal. El lleche ye un alimentu abondante en minerales y vitaminas, amás de proteínes y grases.

Magar que los sos nutrientes convíertenlo nun súper alimentu, la so mayor incomenencia

de tan cencielles operaciones, yera un productu untosu, de color y tastu ácidu, que podía almacenase y tresportase con muncha más facilidá que'l lleche crudo.

...PASABEN LOS SIEGLOS

Nel añu 29 e.C. los romanos finalmente dieron el pasu y trevesaron el Duero, conquistando la rexón cantábrica en diez años. Anque pudiere suponese que los primeros quesos astures yeren de cuayáu ácidu, los romanos yá entendíen que meciendo'l lleche con daqué parte de les coraes del cabritu, el lleche cuayaba volao y, amás, al final, el quesu llograo tenía una testura y un tastu más delicaos.

En condiciones naturales, si nun hai nengún procesu d'esterilización previu, les bacteries láctiques del ambiente y les del caldar del mesmu animal yá tán presentes nel lleche dende'l

Los primeros quesos astures yeren de cuayáu ácidu, pero los romanos yá entendíen que meciendo'l lleche con daqué parte de les coraes del cabritu, cuayaba volao y el quesu llograo tenía una testura y un tastu más delicaos

ye qu'en condiciones naturales y ensin refrixeración, desíguase fácil, pudiendo mudar nun productu de colonización cenciella pa los microorganismos patóxenos, colos riesgos qu'ello supón pa la salú. Masque la conservación del lleche foi siempre un retu, esti retu solventóse bien n'Asturies dende tiempos prerromanos poles propies tribus autóctones. Nun momentu que se pierde na historia d'esta tierra, dalgún avezáu pastor decatóse de qu'esí productu d'aspeutu xelatinoso, bañáu en líquidu verde, que resultaba cuando'l lleche posaba dellos díes nun caiciú al abrigu'l sol, podía rescatase y recudise en trapu de llinu, y que lo que resultaba, depués

momentu primeru de catalo. Estes bacteries, afayándose nun mediu tan nutritivu, van crecer ensin midida, consumiendo la lactosa y provocando un aumentu de l'acidez d'esi alimentu. Cuando l'acidez del lleche ye lo alta que fai falta pa ello, les proteínes láctees, ye dicir, les caseínes que s'atopen arrexuntaes iguando esferes, desestabilicen, desenróllense y axúntense entós en forma de maya, produciéndose un xel, lo que conocemos como **cuayada ácido**. Esta cuayada, que ta mui hidratao y ye malpenes elástico, yá ye untoso y de tastu y arume asemeyaos a los del yogur. Sicasí, si la cuayada xurde d'amesta-y dél cuayu animal (sustancia que pue estrayese



del cuartu estómagu d'un rumiante non este-táu) al lleche, les proteínes desestabilicen sobre manera porque ruempen y, asina, ye que pue formase una cuayada dientro d'un tipu de lleche que ye muncho menos ácidu. Esta cuayada va poder deshidratase más fácil y ye muncho más elástico y consistente: el quesu que produz pue ser más denso y saborgoso.

Nesi sentíu, los romanos del altu imperiu (27 e.C. – 476 d.C.) foron los primeros en producir quesu sólido daveres, prensao, asemeyao al manchegu d'anguaño; por eso, ente la so cacía, pudieron recoyese preseos como l'arrallador de quesu, ellaboráu con bronce o fierro. En xeneral, los romanos reconocien de manera oficial la esistencia de dos tipos de quesu, el *caseus mollis*, o quesu blandio, y el *caseus aridus*, o quesu seco.

Estos dos quesos podíen tresnase con lleche de cabra y oveya indistintamente, siendo quesos de cuayu, ensin cocinar, llixeramente primíos y salaos na superficie. Non obstante, nel casu de la versión del quesu seco la presión exercida yera superior y duraba más tiempu. D'esta miente, al romanu prestába-y consumir esti productu artesanal, y facíalo de manera afanosa, darréu que yera un alimentu baratu y al algame de cualquier ciudadanu d'a pie.

Na Edá Media, la mayor actividá cultural producíase dientro los monasterios y abadíes y foi precisamente nos monasterios onde se desenvolvieron los mayores avances no tocante a la producción de vinu y quesu. Los monasterios recibíen diezmu de los llabradorres y de los señores feudales, munches veces en forma d'alimentos

Ye nos sieglos XVI y XVII cuando empieza a llantase equí'l maíz y la pataca provenientes de Les Amériques; entós multiplícase'l rindimientu agrícola y espoxiga la presencia de ganáu vacuno n'Asturias

qu'habien conservase y almacenase. Nesta dómina empiecen a desendolcase los quesos curaos y azules: n'Asturias yá apaecen variedaes que recuerden a los actuales cabrales, gamonéu y afuega'l pitu. A estos altures, los quesos producíense cuasique esclusivamente con lleche de cabra y d'oveya.

Na Edá Moderna y hasta primeros del sieglu XVIII, el marcú orográficu d'Asturias, esto ye, El Cordal y El Mar Cantábricu, dexó a la so xente nel aislamiento y nel desarollu d'una economía de caltenencia, na que se consumía tolo que se producía y na que los excedentes de lleche, al nun poder vendese darréu, procesábense y almacenábense

en forma de quesu y mantega, aprovechándolos pa los mercaos locales. Nel sieglu XV los quesos más carauterísticos asturianos yá podíen estremase bien y dende'l XVI y XVII, cuando empieza a llantase equí'l maíz y la pataca provenientes de Les Amériques, multiplícase'l rindimientu agrícola y espoxiga la presencia de ganáu vacuno n'Asturias. Morriendo'l sieglu XVIII puen identificase ente trenta y siete y setenta y dos mercaos semanales, espacios onde podíen aprovechase los excedentes ganaderos y agrícoles de les cases. A lo llargo d'esta dómina esisten nicios de quesos artesanos en tolos conceyos asturianos, magar que los detalles escritos de la so producción malpenes

llegaron hasta los nuesos díes. La estensión de la producción de quesu n'Asturias xustifícase, igual que n'otros ámbitos ibéricos, na esistencia del diezmu al párocu en forma de quesu y mantega yá dende tiempos medievales, cosa que demuestra qu'estos productos formaron parte de la vida llabriega dende amunchayá, resaltando, de nueves, el calter popular de la so producción y, poro, del so consumu.

A finales del sieglu XVIII yá hai ordenances que contienen, pela primer vegada nun documentu públicu, una mención al quesu cabrales, considerándolu productu de la zona no tocante a la so fiscalidá. Nel sieglu XIX asocede la industrialización d'Asturias gracies a los depósitos de carbón atopaos. El mineral estrayío ha trespor-tase, y esta xera potencia les comunicaciones cola meseta y l'aislamiento asturianu reduzse. La industria minera atrayía entós los primeros negocios bancarios, la inversión de capital y el desarollu económico; los centros urbanos crecían y l'agricultura entamaba la so intensificación, lo que supunxo un afitamiento del sector ganaderu. La comunicación con otros ciudaes españoles supunxo la creación d'un mercáu estatal, especializándose la rexón cantábrica nel sector ganaderu pol so escelente pastu, pasando a

ser Asturias una comunidá compradora de cereales y esportadora de carne y, en mayor medida, de lleche, especialmente de vacuno. Polo tanto, nesi sieglu XIX y sobre manera na so segunda metá, Asturias desarrollase como un territoriu especializáu na producción de ganáu vacuno y lleche, teniendo'l mayor censu de vacunu d'España no posterero del XIX. A lo llargo'l

A lo llargo del XIX empezaron a biltar les primeres industries de quesu y mantega asturianes, que recoyíen el lleche de les ganaderías y lo procesaben de manera artesanal, ensin afitase la mecanización de la producción hasta mui a finales del sieglu. Fuera d'Asturias, el quesu que yá tenía daqué mercáu estatal yera'l cabrales.



sieglu XIX, el quesu que se producía yera principalmente blandio, cosa que-y torgaba'l tresporte y la conservación aculló d'un mercáu local. Por embargu, a lo llargo d'esti sieglu empezaron a biltar les primeres industries de quesu y mantega asturianes, que recoyíen el lleche de les ganaderías y lo procesaben de manera artesanal, ensin afitase la mecanización de la producción hasta mui a finales del XIX. Fuera d'Asturias, la mena de quesu asturiano más conocida y que yá tenía daqué mercáu estatal yera'l cabrales, mentanto que, en términos xenerales, el comerciu español taba domináu pol quesu manchego, quesu duro y madurao, que tenía mejor tresllau y venta en llugares alloñaos.



Yá nel sieglu XX la pasteurización y la re-rigeración allargarón en bona midida la vida útil del lleche, les canales de distribución modernizáronse y potenciáronse, el conocimientu sobre cómo facer quesu compartióse y los meyores métodos impunxérонse. La industrialización del quesu amenorgó los costes y popularizó l'alimentu aculló del productu llabriego que solía ser. Con too, Asturias sigue siendo una de les comunidaes con mayor número de queseríes yá nel sieglu XXI, teniendo agora l'artesanía un caráuter cultural y de distinción.

... Y TRESFORMÁBASE LA NATURALEZA

La humanidá sabe cómo facer quesu dende cuantisimayá y, poro, el consumo de quesu siempre

foi una actividá de sobrevivencia, una manera d'aprovechar el lleche que, d'otra miente, diba perdeser. De toles maneres, cola llegada de la industrialización, la profesionalización na producción y el comerciu internacional, el consumu de quesu camudó en forma. Yá nun ye aquel procedimientu qu'aprovechaba con apremiu los ruinos recursos de los que se disponía, sinón que ye un producto romantizáu llantáu nes coraes de la propia identidá de los pueblos; dalgo que, en definitiva, pasó a ser un símbolu definitoriu de les cultures au se produz. Asina, cada tipu de quesu necesita ser una sinfonía, un conxuntu de notes que se combinan con gracia y de mou únicu, magar que'l resultáu pueda ixertase en dalguna tipoloxía según la so semeyanza a unes carauterístiques definitories.

No que se refier a esto, anque los quesos puen estremase estudiando les sos variaciones en milenta parámetros diferentes (como, por exemplu, el tipu y l'orixe del lleche o si la cuayada ye ácido o de cuayu), al final, el tastu, la traza y la testura son les variables que nun puen cayer embaxo pa definir cualquier alimento. Anque'l tastu y la traza son peores de categorizar, la testura remanez como ún de los parámetros que más impautu tienen sobre'l consumidor, pudiendo apreciase nesti tipu de productos col mesmu tayu d'un cuchiellu. Teniendo esto en consideranza, dende'l punto de vista de la so testura, los quesos podíen ordenase en dos grandes grupos: de pastia blando y de pastia duro.

Los quesos de pastia blando algamen la so forma final por acción de la gravedá, riquiendo les pieces volteos constantes nel periodu de moldiar y madurecer. Nestos quesos, el conteníu n'agua del productu final va ser relativamente alto y la so caducidá va ser rápida. Per otru llau, los quesos de pastia duro prénseñense exerciendo una presión esterna reforciada, yá seja con peses cencielles o con prense más complexes, diseñaes a costaficha. Amás, nestos quesos, puede esbirase la ca-

Los quesos de pastia blando algamen la so forma final por acción de la gravedá, riquiendo volteos constantes nel periodu de moldiar y madurecer. Nestos quesos, el conteníu n'agua va ser relativamente alto y la so caducidá va ser rápida. Los de pastia duro prénseñense exerciendo una presión esterna reforciada, yá seja con peses cencielles o con prense más complexes.

yada a temperatures superiores a les ambientales primero de prensalos o, inclusive, en dellos casos, llega a llavase la cuayada con agua caliente enantes de da-y el moldu. Per otra parte, hai un factor que-y da un caráuter único al quesu de cada rexón o productor: **la maduración**. La maduración del quesu ta mediada por bacteries que provienen de la inyección primera y por otres bacteries presentes nel ambiente, amás de les enzimes conteníes nel cuayu y de les que yá contién el lleche de manera natural. Nesti sentíu, les bacteries del quesu presenten la capacidá de metabolizar les proteínes y les grasas pa xenerar otros compuestos que dan color y tastu.

Dientro'l lleche crudo puen atopase un gran número de bacteries. Delles puen ser dañibles, pero otres, como les bacteries láctiques, son fundamentales pal procesu de maduración de los quesos. Estes bacteries atópense de manera natural nel lleche o, como contaminantes, na superficie del caldar de la vaca, l'equipamiento llecheru, el mediu ambiente, nel tresporte del lleche, nes operaciones d'enllena o, mesmo, nes superficies d'almacenamientu. Les primeires bacteries lácticas que s'atopen na cuayada formenten la lactosa rápido, produciendo una concentración curiosa d'ácidu láctico. Darréu, estos bacteries empiecen a morrer por falta de lactosa y espoxiguen otres, que son propies del ambiente au tea madurando'l quesu. Esti último grupu de bacteries ye bien heteroxeneu, puen alimentase de les proteínes y aminoácidos presentes nel mediu y la so población, que malpeneva poder controlar l'artesanu, aumenta a lo llargo de les selmanes y meses de maduración. Estes bacteries son, xusto, les qu'introducen variabilidá nel productu final y faen que puedan atopase diferencies ente quesos producidos na mesma quesería, en llotes estremaos. Tamién

son les responsables de que, exautamente col mesmu lleche y siguiendo'l mesmu procedimientu, quesos producios en llugares alloñaos tengan propiedaes sensoriales diferentes. A midida que'l quesu va madureciendo, va tresformándose nun mediu progresivamente más gafu pal crecimientu de los microorganismos, pero siempre habrá dalgun tipu de bacteria que seja quien a espoxigar y seguir desenvolviendo les carauterístiques organoléptiques del productu. Por supuestu, delles d'estes bacteries son capaces a producir una degradación non deseada de la testura y del color del quesu, polo que tienen que tar controlaes.

Xeneralmente, los quesos de pastia blandio tienen un periodu de maduración curtiu, que pue ser de díes o dellos meses, mentanto que los quesos de pastia duro puen tener procesos de maduración muncho más llargos, d'hasta dellos años.

Un quesu de pastia blandio y que tien un periodu de maduración d'ente cinco díes y seis meses, y que ye de gran raigañu n'Asturies, ye l'**afuega'l pitu**. Esti quesu dióse en numerosos conceyos asturianos, magar que güei la denominación d'orixe céntrase na xuntura de les cuenques de los ríos del Caudal, Nalón y Narcea. L'**afuega'l pitu** tien la particularidá de que la so cuayada, parcialmente esbirao, amásase pudiendo ixerta-y o non pimentón, lo que, en resultes, ufierta dos variedaes: blanca y roxa. Esti nome tan célebre vien-y de la testura porque, anque de pastia blandio, ye un quesu con enclín a apegase no fondero'l gargüelu, siendo difícil de traguar ensin asociase a la toma de alguna bebida.

Un quesu asturianu semiduru o duru, qu'esmigaya fácil y tien un periodu de maduración mínimu de venti díes, ye'l quesu **Los Beyos**, propiu de los conceyos d'Amieva y Ponga. Esti quesu carauterízase por poder incluir una eta-

pa d'afumiáu y un procesu de maduración onde ye importante que nun quede cubiertu de fungos, yá que puen adultera-y el tastu. Esti nun ye un aspeutu corriente na teunoloxía quesera, yá que los quesos de pastia blandio son los que se manifiesten más sensibles a ser colonizaos por fungos, igual nel esterior que nel interior de cada pieza, dando llugar a quesos azules.

Precisamente, el quesu más emblemáticu d'Asturies, **el cabrales**, ye un quesu de pastia blandio que madura en cueva, onde se dan les condiciones ambientales acionaes pa que'l fungu se multiplique. La tradición del quesu cabrales piérdese na Asturies medieval más remota y, magar que'l so orixe nun quedara per escrito, ye fácil imaxinalu: los quesos de pastia blandio estropien con relativa rapidez y, nun intentu por aumentar la so vida útil, los antiguos vecinos de Cabrales y del Valle Baxu de Peñamellera decidieron almacenalos a techu y a baxa temperatura al abellugu de les cueves caliares de la zona. Estes cueves, con una humedá relativa cercana al 95%, una bona altitú y una ventilación particular, resultaron la cuenta pa que'l fungu del xéneru *Penicillium*, ubicuu en suelu y aire, se multiplicare sobre y dientro de cada pieza almacenada. En xeneral, los quesos maduraos con fungos tienen un sabor muncho más intensu que los maduraos namás con bacteries. Esto ye porque los fungos son organismos muncho más galafres que les bacteries, con una capacidá especial pa les proteínes y les grases del lleche, lliberando na so dixestión compuestos, dalgunos d'ellos volátiles, que son responsables de la intensidá del sabor de los quesos azules.

Per otru llau, l'otru quesu emblemáticu de la nuesa tierra, **el gamonéu**, tamién se produz na zona oriental d'Asturies, nos conceyos d'Onís y Cangues d'Onís, pero, nesti casu, amestando

una etapa d'afumiáu primero de la maduración en cueva. L'afumáu crea una corteya superficial que depués restrinxé en forma l'espoxigue del fungu dientro la pieza y qu'alteria la so testura y, asina, mentes el quesu cabrales ye untoso, el gamonéu ye duro y rompedizo.

Otru quesu de tastu perintensu, pero que tien la particularidá de que nun madura con fungos, ye'l **quesu casín**, qu'anguaño se produz nos conceyos de Casu, Sobrescobiu y Piloña. Esti quesu ye ún de los más antiguos d'España, de pastia duro y, por eso, de llarga duración; tien la singularidá de que la cuayada rabílase de llles vegaes, ensugándolo y facilitando la descomposición de la grasa del lleche. Esta descomposición revélase con intensidá al olfatu y al paladar, apreciándose notes picantes na so preba.

Evidentemente, amás d'estos quesos emblemáticos, esisten decenes, si non centenes, d'otres variedaes n'Asturies, que formen parte del so patrimoniu cultural.



Un quesu de pastia blandio y que tien un periodu de maduración d'ente cinco díes y seis meses, ye l'afuega'l pitu. El quesu más emblemáticu, el cabrales, ye tamién de pastia blandio y madura en cueva; el gamonéu, tamién ye de la zona oriental, pero amesta una etapa d'afumiáu primero de la maduración en cueva. Otru quesu de tastu perintensu, pero que nun madura con fungos, ye'l quesu casín que ye ún de los más antiguos d'España. Un quesu semiduru o duru, qu'esmigaya fácil y tien un periodu de maduración mínimo de venti díes, ye'l quesu Los Beyos, d'Amieva y Ponga: carauterízase por poder incluyir una etapa d'afumiáu y un procesu de maduración onde ye importante que nun quede cubiertu de fungos. Esti quesu tien Indicación Xeográfica Protexida (IXP), los otros 4, Denominación d'Orixe Protexida (DOP).

LLEVANDO'L PRODUCTU A LA PERFECCIÓN

El quesu enxamás fora tan popular como ye güei: cada español consume unos ocho quilos de quesu, tanto Asturies ente les comunidaes más consumidores per cápita del estáu. A nivel continental, estímase que cada européu consume de media diecisiete quilos de quesu al añu, siendo Europa'l mayor consumidor d'esti productu lacteu del mundu. Pa poder llegar a esti momentu duce foi indispensable la mecanización del sector, xenerándose un productu gradualmente más baratu, algamable y seguru, emplegándose en muchos casos lleche estandarizada ya hixenizada acordes.

Sicasí, según el sieglu XXI va desendolcándose, pue apreciase como, tovía viviendo nuna sociedá teunificada y desaxeradamente estandarizada, la vuelta a los oríxenes vese como como un viaxe hacia lo auténtico y natural. El quesu industrial percíbese como daqué barato, ensin muchu valor, y lo gastronómico camudó n'esperiencia. Nesti contestu, les que-

seríes artesanales volvieron a florecer, teniendo qu'axustase a una normativa mui precisa y desendolcada pa evitar precisamente los problemas propios de les ellaboraciones artesanales primixenes, ye dicir, pa evitar l'emplegu de lleches adulteraes o de téuniques y costumes d'ellaboración poco hixéniques. Agora'l quesu artesanal, el verdaderu corazón d'esta industria nel sieglu XXI, tien un marcu sanitariu pel que se mover, de manera tala que puede centrarse n'estremase faciendo un productu artesanal diferenciáu de la competencia, variando la calidá del lleche, los formientes lácticos emplegaos o inclusive la formulación o'l procesu de maduración de los quesos producidos.

ENSEÑANDO Y VENDIENDO'L PRODUCTU

Facer quesu siempre foi dalgo relativamente cencielu, namás se necesita cuayar el lleche, esbirar la cuayada y moldialo. Por embargu, hacer bon quesu ye daqué mucho más complicao, y el puxu de lo artesanal pue tener la incomeren-

cia de la desigualdá na calidá inclusive ente distintos llotes producios pola mesma quesería.

Nun intentu d'homoxeneizar producciones y que'l consumidor sepa a qué atenese cuando compra un productu, dellos quesos reciben una marca de calidá d'alcuerdu cola llexislación europea. Estes marques de calidá puen ser de Denominación d'Orixe Protexida (DOP), d'Indicación Xeográfica Protexida (IXP) o d'Especialidá Tradicional Garantizada (ETG), que denotan quesos producios conforme a una normativa propia que

garantiza la calidá d'el productu ellaboráu. Esta normativa pue tener en cuenta factores como'l tipu d'alimentación de los animales, la so raza, el tipu de lleche o lleches a emplegar y en qué proporción, l'allugamientu xeográficu de la quesería y el pastu, asina como'l métodu d'ellaboración. Anque, por cuenta del gran raigañu cultural que tien la quesería n'Asturias, enumerar les distintes variedaes de quesos asturianos podía ser una xera titánica, ye bastante más cencielo nomar les cuatro variedaes con un sellu DOP: afuega'l



World Cheese Awards celebraos n'Uviéu en payares de 2021

Podemos imaxinar un futuru n'Asturias nel qu'heba queserías que lleven al estremo los análisis y la calidá, tanto del lleche como del quesu final producíu y que tengan llicencia pa tresnar quesos de baxa maduración con lleche crudo

pitu, gamonéu, cabrales y casín, tanto amás el quesu Los Beyos protexíu bajo la marca IXP. Los productores qu'imprenten estos marques nos sos productos garanticen al consumidor un nivel de calidá y unes carauterístiques organolépticas concretas, definitories y especiales, bones d'estremar pa los consumidores y que protexen a los productores énte otres variedaes asemeyaes, pero que tán ensin regular.

Amás de los diferentes sellos, el consumidor tien siempres la oportunidá de conocer la calidá de los quesos producidos na tierra nes diferentes feries, certámenes y congresos, que n'Asturias son mui numerosos. Facemos especial mención a la celebración del World Cheese Awards en pavares del 2021 n'Uviéu, ún de los congresos internacionales más distinguíos qu'esisten anguaño y, que na so edición asturiana, acoyó a más de 4.000 variedaes de quesu diferentes, axuntando más de 10.000 visitantes a lo llargo de los cinco días de duración que tuvieron les actividaes.

MUNCHES COSES POR FACER

Col análisis retrospeutivu que s'intentó facer nesti artículo, la evolución de lo que ye'l quesu n'Asturias foi descomanada, yá que, anque siempres foi un productu de mases, agora amás, por raigañu, significáu na so xente y mou de vida asociáu, ye un productu que tresciende lo esperable nun alimentu, pa llegar a ser una categoría en sí mesmu. Sicasí, quedan por identificar les munches coses qu'hai por facer, non con ánimu de crítica, sinón con espíritu constructivu.

El denomináu *packaging* o embalaxe, que caltién y presenta cualquier alimentu anguaño, ellaborárase principalmente con plásticos malos de reciclar y qu'avaguen sieglos en degradar ellí onde queden depositaos. Fai namás 50 años, el quesu cabrales sirvíase al públicu envuelto en fueya de pláganu. Sicasí, güei les sos propiedaes caltiénense de manera escepcionál en raciones de cualquier tamañu, en cuñes d'un plásticu más o menos ríxido, plásticu que supón un problema mediuambiental de primer orde y que la comunidá internacional ta intentando sustituyir, o polo menos simplificar, a marches forcies. Al respeutive d'esto, la futura normativa en materia de reciclaçón esixe que los nuevos envases contengan un alto porcentaxe de plásticu yá emplegao y amás tan investigándose materiales sustitutivos con cualidaes asemeyaes, como los ellaboraos con proteínes, ácidu poliláctico o polihidroxialcanoatos, masque la so aplicabilidá en quesería tea tovía por demostrar. Tamién nel ámbitu de la investigación, produxérонse intentos d'aumentar el valor nutricional del quesu amestándo-y probióticos encapsulaos, unos probióticos de mal accesu pa les bacteries láctiques del propiu alimentu, de manera que pueda caltenese'l so llabor beneficiosu sobre la flora intestinal del consumidor. Nesti sentíu, tamién se modelizó'l crecimientu de bacteries patóxenes como la *Listeria monocytogenes*, tanto nel interior como nel esterior del quesu, de mou que pueda predicise cuáles son les carauterístiques más amañosas pa torgar el crecimientu del patóxenu.

Per otru llau, el sector artesanal sufre un problema al respeuto de la teunificación de los sos profesionales. Les queserías artesanales son pequeñes, munches vegaes d'herencia y explotación familiar, qu'ellaboren un productu calidable, pero que podíen tener marxe d'ameyoramiento en cuanto al perfeicionamientu de los recursos y, poro, del rindimiento económico en cada pieza producida.

Nesti sector, el perfeicionamientu de la producción rique un conocimientu fondu de la bioquímica del lleche y del quesu, asina como l'accasu a foros internacionales que tán fondamente teunificao y que son difíciles d'entender si nun se compriende con precisión cuál ye la ciencia qu'hai detrás de la producción quesera. Anguaño esisten cursos de formación profesional n'Asturias que son escelentes plataformes p'adquirir esos conocimientos. Amás, la comunidá universitaria ta comprometiéndose más, esistiendo inclusive un Institutu de Productos Lácteos que realiza investigaciones d'alcance internacional sobre esti tema.

Finalmente, hai que destacar el conflictu, malu d'evitar, qu'esiste ente lo tradicional y lo moderno. Magar que munches vegaes la llexislación mira por caltener la producción tradicional de delles variedaes de quesu, otres vegaes esa mesma llexislación va al aldu de la seguranza alimentaria, que ye d'importancia capital pa la sostenibilidá de la industria en términos xenerales. Sicasí, la necesaria seguranza alimentaria torga en dellos casos la ellaboración tradicional, como ye'l casu de la obligatoriedá d'usu de lleche pasteurizao en cualquier productu quesero con un periodu de maduración inferior a los sesenta díes. Teniendo en cuenta que la pasteurización comporta dellos cambeos fisicoquímicos nel lleche y qu'esta téunica nun se popularizó hasta'l sieglu XX, va ser difícil qu'un productu ellaboráu con lleche pasteurizao pueda considerase xenuinamente tradicional. En cualquier casu, hai qu'imaxinar un futuru n'Asturias nel qu'heba queserías que lleven al estremo los análisis y la calidá, tanto del lleche como del quesu final producíu y que tengan llicencia pa tresnar quesos de baxa maduración con lleche crudo.

Referencies bibliográfiques

- Langreo, A. (1995). Historia de la industria láctea española: una aplicación a Asturias. Ministerio de Agricultura, Pesca y Alimentación.
- Noriega, E., Laca, A., & Díaz, M. (2008). Modelling of diffusion-limited growth for food safety in simulated cheeses. *Food and bioproducts processing*, 86(2), 122-129.
- Papademas, P., & Bintsis, T. (2017). Global cheesemaking technology: cheese quality and characteristics. John Wiley & Sons.
- Sáez-Orviz, S., Camilleri, P., Marcet, I., Rendueles, M., & Díaz, M. (2019). Microencapsulation of calcium lactobionate for protection from microorganisms in a solid phase food. *Biochemical engineering journal*, 150, 107281.
- Weng, S., López, A., Sáez-Orviz, S., Marcet, I., García, P., Rendueles, M., & Díaz, M. (2021). Effectiveness of bacteriophages incorporated in gelatine films against *Staphylococcus aureus*. *Food Control*, 121, 107-666.